

igkeiten / wie Wasser / auß der Nase fließen / vnd dieser wird der fliegende Wurm genennet: ihne zuvertreiben / last dem Pferd Blut genug auß der gewöhnlichen Ader auff beyden seiten / dann reitet es sein sacht / vnd lasset es an einem kühlen Orth stehen / vnd heylet es / wie ich oben darvon gemeldet habe.

Bilmals verkehret sich dieser Wurm in die Kranckheit / so man Rixigkeit nennet / diese soll man auff folgende weis vertreiben.

Von Rixigkeit der Pferde.

Es entsethet denen Pferden eine Kranckheit in dem Kopff auß Erkältung / welche hernach durch die Nase wie kaltes Wasser heraus fließet / vnd dieses kommet her / wann ein Pferd die Kranckheit lang im Leib hat / wie auch von dem fliegenden Wurm: dises abzuwenden / soll man ihne das Haupt mit Wollen bedecken / vnd es an einem warmen Orth halten / ihne wärmende Sachen zuessen geben / vnd wäre ihne nit schädlich / wann man es junges Gras weiden liesse / dann in deme es den Kopff neigen thäte / würde es viel böser Fluß / so es im Leib hat / durch die Nase außwerffen.

Zem den Rauch von gebranten Fexen / oder aber Baum-Wollen / so leis als man kan / durch die Nas-Löcher hinauff geschoben / geschwind heraus gezogen / vnd wider hinein gesteckt / vnd darinnen gelassen / dieses ist sehr nutzlich / dann es zertreibet die kalten Fluß.

Zem bindet vornen an ein Stäblein / ein mit Türckisch oder Venetianischer Saiffen beschmieretes Häderlein / vnd schiebet es so tieff / als es sich thun läst / dem Pferd auffwerdts in die Nasen-Löcher / dann ziehets geschwind wider heraus / dieses ist ihme sehr behülfflich: Es ist zuwissen / daß diese Kranckheit selten auß dem grund geheylet wird / obwoln man viel vnd vnterschiedliche Mittel anwendet / dann sie ist fast vnheylbar.

Anderere Zeichen vnd Arzneyen für die Rixigen Pferd.

Schet erstlich / ob die Schnauzen / oder vorn die Nase kalt seye / wie auch die Spitze der Ohren hanget: hat die Augen / vnd den ganzen Leib beschwärt / halt den Kopff vntersich / hat eine gewisse Husten / vnd lust zum trincken / vnd wann etlichmahln die Feuchtigkeiten darzu kommen / so blähet es sich in den Seiten vnd blaset die Nasen-Löcher auff / vnd wirfft den Wust dardurch auß / vnterweilen kommen ihme Schmerzen in die Hüffe / diesem abzuhelffen: Nemmet drey Unzen Euphorbium / wol gestossen vnd ein Pfund Safft von Bircken / fünff Pfund Schweins-Bluet / diese zwey mit einander vermischet / vnd lezlich werffet das gemelte Pulver darein / lasset es mit einander sieden / nemmet es